

Mark Drakeford AM/AC
Ysgrifennydd y Cabinet dros Gyllid
Cabinet Secretary for Finance



Llywodraeth Cymru
Welsh Government

Eich cyf/Your ref
Ein cyf/Our ref

David Rees AC
Cadeirydd y Pwyllgor Materion Allanol
a Deddfwriaeth Ychwanegol

14 Rhagfyr 2017

Annwyl David

Ysgrifennaf atoch ynghylch papur polisi Llywodraeth Cymru ar *Buddsoddi Rhanbarthol yng Nghymru ar ôl Brexit* a gyhoeddwyd heddiw, sy'n ffurfio un o gyfres o bapurau *Diogelu Dyfodol Cymru* sy'n nodi ein gweledigaeth ar gyfer Cymru unwaith y byddwn wedi gadael yr UE.

Y papur yw'r cam cyntaf yn y broses o lunio dull gweithredu newydd o ran polisi buddsoddi rhanbarthol yng Nghymru ac mae'n nodi rhai cynigion adeiladol a fydd yn sail i'n trafodaethau a'n gweithgarwch ymgysylltu â phartneriaid ledled Cymru dros y misoedd nesaf.

Fel y nodwyd gan adroddiad y Pwyllgor Materion Allanol a Deddfwriaeth Ychwanegol ar ddyfodol polisi rhanbarthol, mae Brexit yn rhoi cyfle i adfywio ein dull gweithredu i fynd i'r afael â rhai o heriau economaidd hirdymor Cymru drwy bolisi buddsoddi rhanbarthol. Mae ein papur yn ymdrin â llawer o'r materion hyn, gan nodi cynigion adeiladol ynglŷn â sut y caiff model newydd ar gyfer rhanbarthau Cymru ei gefnogi ar ôl Brexit.

Yn y papur, rydym yn cyflwyno'r achos dros sicrhau bod Cymru yn derbyn yr un swm o arian ag a dderbynnir ganddi drwy'r UE ar gyfer buddsoddi rhanbarthol ar hyn o bryd ar ôl Brexit a bod cymhwysedd datganoledig ym maes datblygu economaidd rhanbarthol yn cael ei barchu yn llawn gan Lywodraeth y DU.

Mae'r papur hefyd yn nodi sail y dull gweithredu newydd hwn, sy'n cadw elfennau cadarnhaol o'n hetifeddiaeth o'r UE (er enghraifft, pwyslais ar weithio mewn partneriaeth wirioneddol, llunio polisïau sy'n seiliedig ar dystiolaeth a chyfnodau rhaglennu amlflwydd), tra'n ystyried ffyrdd newydd o weithio rhanbarthol hefyd (megis dileu anhyblygrwydd daearyddol, symleiddio prosesau gwneud penderfyniadau, a mabwysiadu dull gweithredu

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400

Gohebiaeth.Mark.Drakeford@llyw.cymru
Correspondence.Mark.Drakeford@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

sy'n fwy seiliedig ar risg er mwyn ysgogi arloesedd a mwy o fuddsoddiad yn y sector preifat).

Yn y papur hwn, rydym hefyd yn ailbwysleisio ein cais i Lywodraeth y DU negodi cyfranogiad parhaus mewn nifer o raglenni trawsffiniol yr UE ar ôl Brexit, megis Horizon 2020, y rhaglenni Cydweithredu Tiriogaethol Ewropeaidd, yn enwedig y trawsraglen ag Iwerddon, ac ERASMUS+ ac i'r DU barhau i fod yn aelod tanysgrifio o Fanc Buddsoddi Ewrop. Rydym felly yn falch bod yr adroddiad diweddar ar y cyd gan Lywodraeth y DU a'r Comisiwn Ewropeaidd ar Gam 1 negodiadau Erthygl 50 yn awgrymu bod y drws yn dal i fod ar agor i gymryd rhan yn rhaglenni'r UE megis y rhain yn y dyfodol a bydd angen inni barhau i gyflwyno'r achos dros bob un. Rydym hefyd wedi cychwyn deialog â'r Sefydliad ar gyfer Cydweithrediad a Datblygiad Economaidd wrth inni geisio adeiladu ar arfer gorau rhyngwladol ym maes polisi rhanbarthol.

Yng Nghymru, rwy'n awyddus i weld cymaint o bobl, busnesau a sefydliadau â phosibl yn rhannu eu barn a'u profiadau dros y misoedd sydd i ddod. Dechrau proses o weithio mewn partneriaeth wirioneddol yw hwn ac rydym yn fodlon clywed syniadau newydd.

Mae digwyddiadau ymgysylltu wedi cael eu trefnu ar gyfer y Flwyddyn Newydd (18 Ionawr yng Ngogledd Cymru a 25 Ionawr yn Ne Cymru). Mae cyfres o gwestiynau a awgrymir ar gyfer ymatebion ac arolwg ar-lein byr hefyd yn cael eu cyhoeddi heddiw er mwyn helpu i lywio'r trafodaethau hynny.

Hoffwn fanteisio ar y cyfle hwn i ddiolch i'r Pwyllgor Materion Allanol a Deddfwriaeth Ychwanegol a mynegi fy ngwerthfawrogiad o'i waith yn y maes pwysig iawn hwn wrth inni ddechrau ar y gwaith o ddatblygu dull gweithredu newydd ar gyfer polisi buddsoddi rhanbarthol yng Nghymru. Gobeithio y gallwch weld barn y Pwyllgor wedi'i adlewyrchu yn y papur hwn ac edrychaf ymlaen at weithio gyda'r Pwyllgor wrth i'n syniadau ddatblygu ymhellach.

Cofion gorau



Mark Drakeford AM/AC

Ysgrifennydd y Cabinet dros Gyllid
Cabinet Secretary for Finance